

Molaetša go tšwa go Hlogo ya Kgoro: Kgoro ya Tiragatšo – Prof Marié-Heleen Coetzee

Ke Mosegamanye gape gomme ke nako ya Tshwane ya ngwaga ka ngwaga ya Krêkvars – Moletlo wa Bokgabo bja Baithuti wa Kopanong! Lenaneo la moletlo wa 2014 le akaretša mohlwaela wa ditšweletšwa tšeo di fapanego go tloga go theetha ya mmimo, theetha ya sebopego, metlae le tiragatšo ya difilimi tše dikopana.

*Krêkvars – Moletlo wa Bokgabo bja Baithuti wa Kopanong* ke sebaka sa baithuti ba bokgabo go bontšha talente ya bona ka maikemišetšo a go godiša kopanyo le dinako tša nnete, le mešongwana ya kgwebo ya bophelo bja nnete le sebaka sa go kgonagatša go fetogela go tikologo ya profešene ya ekonomi ya tiro.

Moletlo o hloletšwe, le go beakanyetšwa gape le go laolwa ke baithuti ka fase ga tlhokomelo ya bafahloši ba tiragatšo gomme ba kgokaganywa le makala ao a fapanego a lenaneo la tiragatšo. Mmekanyi wa bjalo wa moletlo, Missy Maguira, ke moithuti wa MA ya taolo ya bokgabo bja go diragatša. O thekgwa ke baithuti ba honase ya taolo ya bokgabo bja go diragatša gomme o ithuta ka fase ga Mna Bailey Snyman. Baithuti ba ngwaga wa bobedi ba tla thuša ka go laola boithabišo le papatšo mo Oom Gert mola ba bangwe ba tla šoma bjalo ka balaodi ba lefelo le thekniki. Bokgabo bja UP bo tla fa thekgo ye ntši ya thekniki yeo e hlokegago nakong ya moletlo. Ngwaga wo, ditsebi tše pedi tša ta mmimo tša Bokgabo bja UP di thušitše phanele ya go kgetha mešomo ya meletlo. Boithabišo bja Bliss bo tla hlokomela dinyakwa tša thekniki gomme baithuti ba ngwaga wa mathomo wa tiragatšo ba tla diriša didirišwa tša thekniki mo mafelo ka fase ga tlhokomelo ya bona. Baithuti ba ngwaga wa mathomo ba tla dira gape mešomo ye mengwe, ya go swana le mešomo ya mo pele ga lefelo le taolo ya sefala.

Moletlo o hlohleletša tlholo ya mošomo wa mathomong ka polelo ye nngwe le ye nngwe le mohuta wa yona. E fa sekgoba go baithuti le borabokgabo ba ba nnyane go ba le tokologo ya dikakanyo tša bona, gomme ba nyakolle dilo tšeo di lebanego le maphelo a bona gomme ba hlale mehuta ya dipapalo tšeo di thekgago mesaeno ya bona ya boithomelo. *Krêkvars-Kopanong* e ikemešeditše go godiša baithuti ba bokgabo ba ba tšweletšago ditšweletšwa tša tšweletšopele tša boithomelo, ba hlola poledišano mo mošomong wa bona, ba šomišana le diboepo tša bjale tša bokgabo bja tiragatšo gomme ba thabiša batheetši ba bagolo le ba ba nnyane. E godiša gape poledišano gare ga baithuti ba diinstitušene tšeo di fapanego le mekgatlo gore ba hlale netweke ya thekgo go badirišane yeo e ka thušago baithuti go phela tikologong ya profešene yeo e nyakago dilo tše dintši.

Mo mengwageng ye mebedi ya go feta, go hlohleletša bokgoni bo borabokgabo ba ba nnyane, US Wordfees, kykNET, Clover Aardklop, the South African State Theatre le e-news ba abile mohlwaela wa difoka go batšeakarolo. Legatong la Kgoro ya Tiragatšo, Ke rata go leboga mekgatlo ye ka go tsenya letsogo mo moletlong le boithaopo bja bona ka go beeletša go borabokgabo ba ba nnyane.